

全唐文

金
馬
大

欽定全唐文卷八百五十八目錄

楊凝式

料度齋宮事件奏

韭花帖

大唐故天下兵馬都元帥尚父吳越國王諡武肅


神道碑銘

并序

邊蔚

請改樂舞名疏

李知損



請禁錮王昶使人林恩鄭元弼奏

陳鹽法利弊疏

請禁宰耕牛戰馬疏

欽定全唐文卷八百五十八

楊凝式

凝式字景度華陰人昭宗朝舉進士再遷祕書郎梁開平
中累遷考功員外郎後唐同光初歷給事中史館修撰明
宗卽位拜中書舍人長興中厯右常侍工戶二部侍郎清
泰初遷兵部侍郎晉天福初以禮部尚書致仕開運中除
太子少保分司於洛漢乾祐中厯少傅少師周廣順中以
右僕射致仕顯德初改左僕射又改太子太保致仕卒年
八十五贈太子太傅

料度齋宮事件奏

諸祠祀之所並無齋宮遣前染院使周重興監造與畱司
計會具料度事件以聞其太廟郊社要補葺處仍便檢計
奏 奉 旨 准 其 所 奏 著 令 尚 書 省 計 司 檢 計 具 奏

韭花帖

晝寢乍興輞飢正甚忽蒙簡翰猥賜盤飧當一葉報秋之
初乃韭花逞味之始助其肥羴實謂珍羞充腹之餘銘肌
載切謹修狀陳謝伏惟鑒察謹狀

大 唐 故 天 下 兵 馬 都 元 帥 尚 父 吳 越 國 王 諡 武 肅

神道碑銘 并序

聖朝神武文德恭孝皇帝御極之七載歲在執徐三月二十八日天慘東南星昏牛斗惟靈臺之觀祲慮吳鄉之薄
之生魄覽萬里之飛奏當青帝之迴時果真王之歸壽何國不幸而殄瘁於此辰謂天無私乃殲奪於茲
晝聖上投袂震駭當宁惻怛雪泣盈於重瞳視朝廢於丹禁以爲鋒摧倚天劍柱折不周山愴宸衷於既往增寵章
於未備司禮以之考儀執事其無安位或贈襚以軫悼或易名以昭賁將作監李鍇銜吊祭之命有加於賄賂太常
博士段禺等議始終之蹟定諡爲武肅贈旣絕於人爵葬

乃錫其王禮睿思聖感星繁波委煌煌焉冠今古而無儔
穆穆焉充區宇而何已尚慊爲王稱霸之雄命世誕生之
德簡冊雖著金石未刊豈使太邱延陵翻存不朽之跡沂
山峴首獨彰可久之文非好辭無以敘元勲非貞珉無以
輝億載廢而不舉闕孰甚焉遂詔工部侍郎楊凝式曰爾
以儒素簪裾嘗爲我左右侍從謏論之稱人謂爾宜匡合
之功爾爲予誌俾披文仰止等高大於崑邱垂裕無窮掩
繇長於淮水臣凝式百拜稽首仲宣體弱馬卿思遲寅奉
絲言俯伏金虬徬徨憂畏凌兢周章荷明天子旨當大手

筆挾泰山而越滄海猶或云易染柔翰以勒丹碑孰敢無
愧僂俛述作採撫幽祕訪小說於稗官徵實錄於史氏謹
肅然奉詔斐然抽思蓋聞雷雨方作天機發而龍蛇起象
緯騰秀星精降而賢哲生百六草昧之時九三經綸之際
海縣則雲蒸霧湧雄傑則虎變鷹揚日月爲之昏霾山河
由其分裂或力侔八柱或敵號萬人或水灌晉陽或泥封
函谷召兵車之會上落欃槍啓國社之崇旁開分野鬼神
叶力河岳同功攝干將而佩烏號瞰扶桑而睥濛汜望高
於周召業盛於桓文越前代以成家冠羣后而爲德者吳

越國王蓋其人也王姓錢氏諱鏐字具美杭州安國人其先出自黃帝武德中陪葬功臣潭州大都督巢國九隴之八代孫由軒后而疏宗本枝已茂因彭祖而受姓祚允彌興或仕宦移家烏城成其舊地或精神滿腹晉室重其英聲騰實家牒傳芳肉譜乃江南之大姓固海內之強族大王父沛宣州旌德縣令累贈吏部尚書王父宙累贈太尉烈考寬威勝軍節度推官職方郎中遷禮部尚書賜紫金魚袋累贈開府儀同三司太師皆代有馴行世濟偉人宣慈惠和溫良恭儉垂芳餌以釣國偶乏良時積陰德以貽

孫遂開洪緒王則太師之長子也五行鍾秀四氣均和白
雲起於封中丹霞呈於日側地不愛寶賢惟間生吉夢先
來既享鈞天之樂壯心未遂常爲梁甫之吟識者多奇衆
皆暗許乃人中之瑞實天下之雄虎踞龍盤江山爲之作
氣鷹瞵鳳喙英傑以之成形由是元悟神姝應期靈叟罔
久事於筆硯思在屬於橐籥遂罷計偕言參戎律鵞鵲鳥
雲之勢堪輿風角之術洞若生知宛如神授雖陳相出奇
祕風后善孤虛與之同年雅有慙德屬時艱已甚天隙方
開值庚子之亂離同戊辰之倣擾入夜則日高三丈當參

則暈結七重見蚩尤之張旗逢王良之策馬人烟斷絕原
野有厭肉之謠山嶽沸騰黎庶無息肩之地兵興之苦江
東尤深王以出衆之才膺冠軍之號八都倡義張正正之
旌旗一呼連衡結堂堂之行陣深明去就多識變通或開
君子營或坐將軍樹斬嚴殺厲孰爲貞律之師靖亂平妖
獨有勤王之志時彭城漢宏亂常干紀負濬憑嶢刻孫述
之僞文采齊巫之狂說晝伏夜動豕突鯨吞爲患滋多尋
戈未已王刑牲釁鼓按劍陳師若李廣之飛來效賈復之
深入長風破浪得艤艫於水中利刃椿喉取螯弧於城上

士怒未泄賊壘俄平有壯戎容遂光霸業不久仙芝竊發
黃巢暴興心恣豺狼牙磨獬獠盜淮南之郡邑爲世上之
瘡痍人苦倒懸力疲奔命王英謀電發銳氣星馳應高駢
之羽書舉臨安之組甲舳艫所至烈火之燎鴻毛旌旃所
及太華之壓鳥卵國家方虞多壘克賴蓋臣併錄奇功遐
頒好爵乃命爲杭州刺史尋移潤州鎮海軍額授節制焉
名登王府位列侯藩雨露方濃聖主願觀其畫像鄉閭不
改故人皆羨於晝行昔王與董氏爰在初服同興義旅定
神交於擾攘陳大節於匡扶酒染血鍔共結忠貞之誓心

明河水長存慷慨之詞對壘握兵夾江爲郡言猶在耳董
已渝盟幸乘輿順動之時假圖識不經之語嬰城自固竊
號稔奸王執銳披堅瞋目張膽令如時雨勢若疾雷橫金
鼓以指妖巢揮羽扇而蕩強寇眉皆見軾大陵爲之無光
首盡奔闕一京觀由是特起時三精上黷萬乘西巡王報
國推心誓江立志獻戎捷而自遠問官守以無虧多難識
忠臣疾風知勁草昭宗聞名早歎見節彌嘉得寶融於西
河旣寧天保倚安國於東界尋輟宵衣遂命兼領越州仍
頒鐵契丹青示信帶礪言盟列在世家藏於宗廟慶天門

之奇士纔督八州畫雲臺之功臣不過四縣論德則彼或
無取較寵則斯實居多自此外繕甲兵內修耕織好賢寶
穀親仁善鄰張管子之四維樹周書之八枳開拓疆宇延
任英豪謀無不臧人思盡力五虵爲輔遂隆霸主之基
武訓戎屢喪敵人之膽廢興由其指顧遠近憚其威聲
俯接閩川遐通楚塞瑯琊則時稱賢帥扶風則世號寵王
皆戰艦凌空征旗蔽野據東甌而保大處南海以稱雄莫
不欣接犬牙請徵於盟會願爲龍虎以詫於輔車而乃楊
氏阻兵據廣陵作梗繼渝鄰好屢警邊烽頃常全率車徒

擅侵封部王妙陳三覆宏肆七擒纔揮善戰之師遽見數
奔之衆示武經而戡定取戎首以凱旋尋乃玉磬請和銅
盤受制初聞釋憾還君子之仁
俄無復當鋒見人傑之韓
信疆場自謐方畧特高精貫元穹義形霜雪總中權而作
翰陳左袒以輸誠許國致君不渝於金石獻琛奉贄罔限
於高深固得三鎮節旄千里疆土令僕調鼎之重師保論
道之尊生祠列康衢畫戟羅私第備隆徽數仍啓全吳輶
軒旁午於道途綸誥葳蕤於藩屏名垂信史功在景鐘近
世以來求之未得及梁園興僭皇運中微前在列藩敦魯

衛之兄弟洎當新室修秦晉之婚姻殊禮洊加積功是仰
王以爲時有否泰道屬汙隆明且未傷義無或爽乃受其
尚父守尚書令之命尋加天下兵馬元帥莊宗皇帝參墟
振翼牧野成功應黃星以御宏圖仗白旗而行大戮九江
旣導江漢於是朝宗七曜重新天地以之貞觀乃眷星紀
時惟國楨定傾之碩畧遐彰蓋世之宏勲斯在再造之始
大典將融唐堯之光宅未遑周武之下車興會超於徽數
簡自聖心遂命有司擇日備禮冊爲吳越國王賜金印玉
冊臨軒遣吏部侍郎李德休往行冊命尚父守尚書令天